

風波易動懷恩怨結習難忘釀喜憂千古是非爭未歇一生人
我競無休英雄自致功名縛豪傑尋爲利欲囚大事因緣俱不
問忙忙終日替人愁

建化

元真非相相非真建化門庭總屬塵塵裏孰能開正眼物中誰
解露全身解粘釋縛無多子拔萃超羣有幾人自料本行非大
器且宜清靜自頤神

住院

閭閻膠擾無休局人事將迎勞檢束徒輩擎擔冷鐵枷院門住
守風流獄一毫失照心同俗聚塊拈來泥裏浴慚愧西風著力
道藏輯要

雲山集

雷

昂集六

吹斷雲縹緲依巖谷

論經

羣經權作躡天梯黃葉拈來暫止啼過雨試看荷出水因風尤
喜絮沾泥豈宜鼯鼠乘車馬未見鷄鵲樂鼓鼙下里巴歌殆成
俗陽春唱出轉增疑

自縛

有生翻攪不知空戈戟槎牙塞滿胃非是海中窮徹底我人山
上長奇峯迷繩自縛三千匝法網橫囚一萬重妄想欲超生死
窟知他閻老肯相從

法相